



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De integra fide Christi. tit. 38

urn:nbn:de:hbz:466:1-29452

Non sumus sufficientes aliquid cogitare ex nobis, tanquam ex &c. Et ideo quoniam vult Deus à creatura (id est, homine) cognosci, coli, & sibi gratias pro beneficijs agi: ideo fidem exigit, & non vult sine fide saluare, aut iustificare, vel donare &c.

Tertio, fructus (id est, vtilitas) fidei est, quod ipse est medium, per quod Deus vult distribuere beneficia, quæ meruit Christus, id est, iustificationem: Romano. 3. Arbitramur hominem iustificari fide absq; operibus legis. Receptionem in gratiam & filium, Ioan. 1. dedit illis potestatem &c. donationem Spiritus sancti, Ioan. 14. quem mittet pater in nomine patris & car. & vitam æternam, Ioan. 6. Hęc est voluntas patris mei qui misit me, vt omnis qui videt filium, & credit in eum, habeat vitam æternam. Sine hoc merito fidei, nemo apprehendit beneficia Christi, & iam iudicatus est, Ioan. 3.

Sed hoc cautè notandum, quod sola viua fides est medium, per quod apprehenditur gratia Dei. Est autem viua fides, quæ adiunctam habet pœnitentiam: Marci 1. pœnitentini & credite Euangelio.

Secundò, dilectionem Dei & proximi, Galatas. Fides quæ per dilectionem operatur absq; illis, fides mortua est, Iac. 2. & quoniam opera testantur ad fidem, ideo solum cogitare, Christus pro me mortuus est, & resurrexit Romanor. 4. sine pœnitentia & dilectione, non est fides. Non igitur volunt separari fides & opera, sicut nec ignis & calor eius &c.

Non sufficit ergo externè tantum credere Christo, sed etiam ipsum pro te natum & passum, sine propria cordis pœnitentia & dilectione.

DE INTEGRA FIDE
Christi.
TITVLVS XXXVIII.

Fria sunt notanda. Primò, quid sit integra fides: Secundò, quòd vna pars fidei sine altera Deo non placet, neque saluat: Tertiò, quòd fides cum charitate & timore, ac spe, & alijs virtutibus, & omnes virtutes cum fide, sic sunt connexæ & coherent, quòd vna sine altera non est vera & perfecta &c.

Primò, fides tota & integra Christi est, credere quòd Christus est &c. & facere quod præcepit. Primò scilicet, credere firmiter hoc, quod Est: est Christus, id est, Deus & homo, sicut Martha Ioan, 11. Tu es Christus filius Dei viui. Et Petrus Mat. 16. & Thomas Ioã, 20. Dominus meus & Deus meus. Subindè, quòd est Messias & saluator mundi. Matth. 1. Vocabis nomen eius Iesum, id est, saluatorem. Roman. 4. Mortuus est pro peccatis nostris. Hæc omnia credere, spectat ad fidem: & est vna pars fidei Christi, credere quòd tale est, sicut scriptura dicit. Altera pars fidei est, facere quod iubet, scilicet obedire legi diuinæ, Matth. 19. Pœnitere, Marc. 1. Diligere Deum ex toto corde & proximum sicut teipsum, Matth. 22. Dare eleemosynam, orare, ieiunare, Matth. 6. suscipere sacramenta, &c. Hæc altera pars fidei, probat priorem, & testis est esse veram. Sic Augustinus serm. 37. de tempore: Fides à facio dicitur &c. Fac ergo quòd debes, & fides est vera: opera igitur quoque sunt fides tua. Credere ergo quòd Christus talis est, sicut scriptura eum declarat, & facere quod iubet, hæc duo constituunt veram & integram fidem, & opera tua sunt fides tua, sicut sunt opera, ita & fides &c. Sic Iacobus 2. capite iubet fidem ostendere ex operibus, & dat exemplum de esuriente & nudo, &c.

Secundò, Fidei solùm vna pars non placet Deo, neq; saluat, Matth. 7. Non omnis qui dicit mihi, Domine Domine, id est, credo credo, introibit in regnū cælorum, sed qui facit voluntatem, &c. Ad Tit. 1.